

**DISPUTATIO  
JURIDICA DE  
EMPHYTEUSI.  
QUAM DEO  
TRIUNO...**

---

Oswald Hilliger, Wilhelm  
Bernhard Berlin, ...



ADAM SMITH

DO

EMPHYTEUTIC

DE JURE

WILLIAM SMITH

ADAM SMITH

ADAM SMITH


ADAM SMITH

ADAM SMITH

# DISPUTATIO JURIDICA

De

## EMPHYTEUSI.

RDINEM, CUM SINE EO NIHIL  
quicquam benè ac ritè doceri, tradi, ac pro-  
poni posse, ad unum omnes doceant & incul-  
cent viri eruditi, *Partben. Litig. l. 1. c. 15. n. 4.*  
Servandum & ego suscipiens, sine ambagibus  
primum definitionem Emphyteuscos, tum  
ut ambiguitas eviteretur, tum ut quid sit, de quo disputaturus sim,  
pateat, sicque nulla confusio sequatur cum *Bodino lib. 3. de  
Republ.* præmittendam censeo.

### CONCLUSIO I.

Est autem omnis definitio (a) vel nomi-  
nis (b) vel rei. (c)

a) *Keckerman. libr. 1. system. log. minor. cap. 16.*

b) Dicitur autem Emphyteusis *ὄρεσις ἢ ἐμψυτεύειν*,  
quod est implantare, inserere, germina ponere. *Valasc. de J. E.  
quæst. 2. n. 4. Vult. ad §. adeo. 3. n. 2. Inst. de locat. Obrecht. in  
disp. de J. E. 36. th. 7. & alij.* Ex ea potissimum ratione, quod  
olim steriles agri in perpetuum quibusdam excolendi, imposi-  
to canone, ut ex sterilibus fertiles vel meliores redderentur, da-  
ti fuerint. *Valasc. d. l. Giph. add. §. adeo. Inst. de locat.* Notan-  
dum hic etiam si ager fertilissimus, nullaque reparatione indi-  
gens in Emphyteusin detur, tamen non amittere naturam Em-  
phyteuscos. *Valasc. d. 9. 2. n. 5. Ampliè. & Excellentiss. Du-.*

A  
B

*Præf. in Donell. Enucl. g. com. 13. lit. C. Bocer. part. 1. clas. 2. disp. 14. th. 12. (c) Rei, de qua in conclusione sequenti.*

## CONCL. II.

Est autem Emphyteusis (a) contractus (b) bonæ fidei (c) nominatus (d) Juris civilis (e) quo, Scripturâ interveniente (f) dominus prædium suum (g) retentâ proprietate (b) in perpetuum vel ad tempus (i) concedit ea lege, ut id melius cultiusque reddatur (k) inq; recognitionem domini (l) certam annuam pensionem præstet. (m)

A a) Vocabulum Emphyteusos cum sit ambiguum, idè ambiguitate nondum sublata definiri commodè nequit. Sumitur autem primò pro re ipsa, quæ in Emphyteusin datur. II. Pro ipso jure, quod provenit ex contractu hoc, & aliis modis, quibus Emphyteusis constituitur, de quo infra in conclus. 5. lit. A. III. Pro conventionem, quo modo nos definimus,

B (b) d. §. adeo. 3. Inst. locat. l. 1. & 2. C. de jur. Emphyteut. Wesenbec. in w. ff. si ager vectigal. petat. n. 3. Obrecht. d. disp. 36. thes. 70. Treutler. part. 1. disp. 29. th. 9. Valasc. q. 1. n. 2. Mejer. in Colleg. Argentorat. part. 1. lib. 6. tit. 3. th. 6. Cujac. in w. C. de

C J. E. & in feud. lib. 1. tit. 3. fol. (mibi) 656. lit. B. (c) Bonæ fidei olim fuisse certi & indubitati juris est, arg. d. §. adeo. 3. Inst. locat. Cum verò illud hodiè specialiter immutatum non reperiatur, stare non prohibetur. l. sancimus. 29. C. de testam. Ampl. Dn. Arum. p. r. Prorektor hujus Salanz Magnific. exerc. 14. th. 13. Forster. disp. Justin. 18. th. 10. part. 1. Treutler. d. l. ibid. Dn.

D Bachov. in animadv. th. 9. lit. C. (d) Proprium enim & speciale nomen per leges civiles accepit. Valasc. q. 6. n. 5. d. §. adeo. Inst. locat. d. l. 1. C. de J. E. Treutl. d. l. th. 9. lit. A. Dn. Arum. exercit. 14. th. 13. lit. B. Wesenbec. d. l. n. 3. Actionemque propriam producit, de qua infra concl. 7. lit. A. Ampli. Dn. Præf. in disp.



*in disp. de bon. fid. judic. th. 21. (e)* Constituit enim Imperator  
 Zeno novam propriam & singularem hujus contractus for-  
 mam. *d. §. adeo. 3. Inst. locat. l. 1. C. de J. E. Wesenbec. d. l.*  
 II. Unaquæque res ex forma æstimari debet: dat enim esse rei.  
*Keckerm lib. 1. systemat. log. minor. c. 11.* A formam à jure civili  
 accepit. Ergò. *l. 6. ff. de I. & I. Bocer. part. 1. class. 2. disp. 14. th.*  
*16. lit. A. Vult. ad d. §. adeo. n. 6. Borchold. ibid. n. 5. Forster. disp.*  
*Justin. 18. th. 9. D. Hunn. variar. resolution. jur. 3. rr. 7. part. 2. q.*  
*9. Treutler. d. l. (f) l. 1. C. b. r.* cujus constitutionis causam ac  
 rationem præter alias hanc assignare possumus. Quod cum res  
 plerunq; vel in perpetuum vel in longum tempus detur, vix sit,  
 ut rei geſtæ in memoria extari possit. *Don. 9. comm. 13. Obrecht. d.*  
*disp. 36. th. 76. & seqq. II.* Ut constet de pactis, quibus sulciri  
 ejusmodi pactioes solent. *Obrecht. d. l. th. 82.* Quorum pa-  
 ctorum, iis, quibus de hac re judicare incumbit, maxima cura  
 habenda, ne vel dominus, vel Emphyteuta illorum impruden-  
 tiâ, strictâ juris communis observantiâ contra placita, quæ  
 maximè in hoc contractu servanda sunt. *l. 1. C. de J. E. & arg. l.*  
*1. ff. de pact.* Contractus enim ex conventionione legem accipit.  
*l. 1. §. si convenit. 6. ff. deposit.* fraudentur & lædantur; & in-  
 summa verba conventionis semper diligenter inspicienda sunt.  
*Obrecht. d. disp. 36. th. 160. & 163. (g)* Ex hocce vocabulo con-  
 jici potest, nullum rectè Emphyteusin constituere, nisi qui præ-  
 dii dominus sit. *d. §. adeo. Inst. locat. l. 1. 2. & 3. C. de J. E. Don.*  
*9. comm. 13. Obrecht. d. disp. 36. th. 22.* Nemo enim plus juris  
 in alium transferre potest, quàm ipse habet. *l. 20. de acquir. rer.*  
*dom. l. 54. de R. J. & c. 79. de R. J. in 6. Mejer. in Colleg. Argent.*  
*part. 1. lib. 6. tit. 3. th. 12:* Ex contrario rectè constituere Emphy-  
 teusin quicumq; domini [nisi ipsis administratio sive alienatio  
 rei interdicta. *arg. l. ult. C. de reb. non alienand. Obrecht. d. disp.*  
*36. th. 30]* sive sint municipes, aut civitas, aut privatæ personæ.  
*Don. 9. comm. 13. & arg. l. 21. C. mandat.* Si enim alicui id licet,  
 quod majus est, multò magis & id licebit, quod minùs est. *l. 21.*  
*de R. J. Obrecht. d. loc. th. 29. Donel. d. l. (h) l. 1. ff. si ager ve-*  
*ligat. ibi.* quamvis domini non efficiantur &c. *& l. 1. C. de J. E.*  
*(i) Cujac. ad lib. 11. Cod. tit. 71. fol. (mibi) 395. lit. A.* Hinc di-  
 viditur

viditur in definitam vel indefinitam. Illa est, quæ vel constituitur ad certum tempus, vel ad certam generationem: Hæc quæ sine temporis & generationis præfinitione fit. (k) *Cujac. comm. de feud. lib. 2. tit. 5. fol. 656. lit. B.* Hæc enim præcipua olim ratio quare in Emphyteusim agri dati fuerint, ut constat ex *concl. 1.* Et propterea si meliorem cultioremque non reddit jure cadit suo, de quo infra plura. (l) *Valasc. q. 1. n. 15. Ampl. Dn. Preses in Don. Enucl. 9. comm. 13. in not. lit. O. Gail. 2. obs. 23. num. 25. Treutl. d. disp. 29. tb. 9. lit. H. ibid. Dn. Bachov. in not. lit. H. & Calvin. in Lexic. Jurid. sub vocab. Emphyteusos.* ne diuturnitate temporis oblivioni daretur, & ut recognosceret se non verum dominum esse, neque proprietatem istius rei habere: Remanet enim hæc apud verum dominum. Hincque illud quod Emphyteuta propter incidentes casus fortuitos, vel alia particularia incommoda, à pensionis præstatione non liberatur. *Don. 9. comm. 14. ibid. Dn. Preses in not. lit. M. & arg. l. 1. C. de J. E.* Cum si propter rei usum præstaret, æquum esset exemplo conductoris ei pensionem remitti. *l. 8. C. locat. l. 15. §. 2. ff. eod.*

M *Don. 13. comm. 7. ibid. Dn. Preses in not. lit. A. (m) Cujac. in feud. d. l. Quo ipso differt à contractu emtionis, venditionis & permutationis. Obrecht. d. disp. 36. tb. 134.* Hincque exoritur quaestio, an pensio Emphyteutica in sola numerata pecunia consistat? Quid negatur *arg. l. 21. C. locat.* Idque usureceptum esse dicit *Obrecht. d. l. tb. 137. Valasc. d. q. 1. n. 7.*

### III.

Causa efficiens remota est jus civile (a)  
Proxima sunt contrahentes. (d)

- A a) *De quo supra tb. 2. lit. E. Obrecht. d. disp. 36. tb. 32. & 33.*  
B *Wesemb. in =. d. l. n. 3. (b) Domini scilicet, qui rem in Emphy-*  
teusim dare possunt, *de quo supra tb. 2. lit. G.* Hicque domini cum  
sint vel Ecclesiastici vel seculares, promanat divisio Emphy-  
teusos Ecclesiasticæ & secularis. *Obrecht. d. disp. 36. tb. 24. &*  
II *25. Mejer. in Colleg. Argent. d. l. tb. 8. Wesemb. d. l. Don. 9. comm.*  
I *13.* Et Emphyteuticarii ad hunc contractum idonei. Ubi quaeritur

ritur an pupillus vel minor 25. annis sine tutoris auctoritate Q.  
vel curatoris consensu prædium in Emphyteusim accipere pos-  
sit. Quod A. hac tamen limitatione, quod ad canonis præstatio-  
nem non prius obligentur, nisi tutor vel curator comprobarit.  
*Rocer. d. disp. 14. tb. 10. & arg. pr. in fin. Inst. de autor. tutor. l. Ju-  
lianus 13. §. si quis à pupillo. 29. de action. emi & vend.*

#### IV.

Res quæ in Emphyteusim dari possunt,  
sunt prædia.

Hic igitur notandum I. in rebus mobilibus hunc contra-  
ctum non consistere. *Don. 9. comm. 13.* quoniam res mobiles  
non tantum perpetuum ac diuturnum usum præstare ne-  
queunt; verum etiam quod [*quæ est 2. ratio*] cultura & melio-  
ratio, quæ est de originaria essentia hujus contractus, non detur.  
*Dn. Bachov. d. disp. 29. tb. 9. lit. E. & hæc priori potior. Valasc.*  
*q. 12. n. 1. & 11. Dn. Præf. Don. Enucl. 9. comm. 13. lit. E. II. Et*  
*ædes in Emphyteusim dari posse 1. quia & in ipsis melioratio esse*  
*potest. 2. arg. l. tutor. 16. de pignor. act. l. 15. §. 26. de dam. in-*  
*fest. Nov. 7. c. 3. §. scire. 2. ubi. prædia & domos. & alibi. Dn. Præf.*  
*Don. Enucl. 9. comm. 13. lit. F. Obrecht. d. l. tb. 49. & seqq. Va-*  
*lasc. d. q. 12. n. 1. Mejer. in Colleg. Argentorat. d. l. tb. 19.*

#### V.

Constituatur Emphyteusis conventio-  
ne (a) de dando prædio fruendo, præstandaq;  
certa annua pensione, Scripturæque inter-  
ventu, (b)

a) *Bocer. d. disp. 14. tb. 20. Obrecht. d. disp. 36. tb. 65. Idq;* A  
*vel ad tempus vel in perpetuum, ut dictum supra tb. 2. lit. I. Ob-*  
*servandum hic nos agere de constitutione contractus non juris*  
*Emphyteutici, ut supra innuimus d. tb. 2. lit. A. quod jus non*  
*tantum conventionione, sed etiam testamento. Don. 9. comm. 13.*  
*& præscriptione acquiritur. Treulter. d. l. thes. 11. Testamentos*  
quan-



quando testator legat alicui fundum vel prædium suum, ut sit apud eum jure Emphyteuscos, certa pensione in singulos annos constituta, ut fert hujus juris natura. *Don. d. l. Bocer. d. disp. 14. tb. 45. Mejer. in Colleg. Argent. d. l. thes. 22.* quod legatum conditionale est: non aliter enim vim habet, nisi Legatarius pensionem constitutam quotannis solvere velit, cum nemo invitus obligari possit. *Mejer. Bocer. Don. dd. ll.* Præscriptione, ut si quis bona fide per longum tempus, certa pensione quotannis soluta, prædium possederit, *l. ult. C. de præscript.*

**Q.** *long temp.* Hic dubitari solet, utrum is, qui longo tempore, nihil omnino præstitit, immunitatem pensionum consequatur? *N. arg. l. 7. §. 6. C. de præscript. 30. vel 40. annor. Mejer. in Colleg. Argent. d. l. tb. 29. & ita in Camera Imperiali observatum esse, testatur Mynsing. 3. observat. 13. Geil. 2. obs. 75. 2.* An

**Q.** Emphyteuta prædium Emphyteuticum præscribere possit? Est quod *N. arg. d. l. 7. §. 6.* hac tamen adhibita limitatione, nisi causam possessionis domino mutaverit. *Wesemb. in r. d. l. n. 4. Dn. Bachov. in not. ad Treutl. d. disp. 29. tb. II. lit. D* Addunt quidam & quartum constituendi modum *SUCCESSIO-NE* scilicet, ut *Mejer. d. l. tb. 30. Treutl. d. l. tb. II. quem refutat Dn. Bachov. in not. ibid.* Duos tantummodo modos agnoscit *Don. 9. comm. 13.* Hic præterea quaeritur, utrum de substantia contractus sit, quod res, quæ in Emphyteusin datur, Emphyteutæ tradatur? Quod *N.* pertinet tamen ad ipsius consummationem. *Mejer. in Colleg. Argent. d. l. tb. 35. [B] de quibus supra tb. 2.*

**B**

## VI.

Sequitur nunc finis; qui alius est respectu domini (a) alius respectu Emphyteutæ. (b)

**A**

a) Ratione domini, ne prædium quod in Emphyteusin datur, deseratur, sed ut melius cultiusq; reddatur, quo & ipsum nomen indicat. *Wesemb. in r. d. l. 2* Ut singulis annis certam pensionem consequatur ab Emphyteuta. *Mejer. in Colleg. Argent. d. l.*



*d. l. th. 49. Obrecht. d. disp. 36. th. 145. [B] ut prædium Emphyteu-*  
*cium possidere, eoq; uti frui & ad suos posteros quoq; trans-*  
*ferre possit. l. 1. ff. si ager vectig. Obrecht. d. disp. 36. th. 148. Hinc*  
*jus Emphyteuta consequitur, ut ipsi nemo prædia auferre pos-*  
*sit, quamdiu pro illis vectigal solvat, pro ut tamen natura &*  
*pacationes adjectæ requirunt. d. l. 1. ff. si ager vectigal. & d. S.*  
*alco. Inst. locat. de quibus infra plura.*

## VII.

Sequitur nunc porro ut de effectu seu  
commodo (a) & incommodo seu onere (b)  
agamus.

A] Quod est vel commune vel proprium. *Illud est actio*  
*Emphyteuticaria. Bocer. d. l. th. 39. lit. C. & seqq. Oldendorp.*  
*claf. 5. de action. Emphyteut. Statuunt alii conditionem ex le-*  
*ge ex hoc contractu provenire. Wesenb. in = d. l. n. 3. Treutl.*  
*d. disp. 29. th. ult. lit. G. Don. 9. comm. 14. Valasc. de J. E. q. 6. n.*  
*8. 9. & 10. Quam opinionem à jure planè alienam esse putat.*  
*Bocer. jam d. l. statuunt & alii, qui Emphyteusin contractum*  
*innominatum esse volunt, actionem præscriptis verbis ex hoc-*  
*ce contractu proficisci, ut videre est apud Valasc. d. q. 6. n. 8.*  
*Sed hanc opinionem meritò (inquit Valasc. d. l.) explosam esse;*  
*cum receptissimum sit, Emphyteusin contractum esse nomi-*  
*natum, ideò incongruum esse, ex hoc contractu provenire*  
*actionem præscriptis verbis, cum ea detur pro contractibus in-*  
*nominatis. Proprium respectu domini est, I. Quod proprietatem*  
*verumque dominium in re Emphyteutica adhuc detineat.*  
*l. 1. C. de J. E. l. 1. ff. si ager vectigal. II. Quod Emphyteutam,*  
*si non secundum formam & naturam hujus contractus agat,*  
*possit expellere, de quo infra th. 10. l. 1. & 3. C. h. r. III. Quod*  
*rem Emphyteuticam & meliorationes Emphyteuta sine con-*  
*sensu domini non possit alienare, in eaq; alienatione præ aliis*  
*prærogativam habeat. l. 3. C. h. r. Sunt & alia, quæ omnia re-*  
*censere nostri instituti non est. Respectu Emphyteuta consistit*  
*I. tum in potestate rei possidendæ & habendæ. l. sciendum 15. S.*

1. ff. qui satisd. cog. Et si enim Emphyteuta dominus non sit.  
l. 1. ff. si ager vectigal. Cujac. observ. 3. lib. 7. quasi tamen domi-  
nus est. Cujac. in 2. C. h. t. Obrecht. d. l. th. 227. & 254. Vultej.  
J. R. lib. 1. c. 36. & ad d. §. adeo. n. 3. Instit. locat. Bocer. d. disp.  
14. th. 48. & jus dominio proximum habet. Obrecht. d. l. th. 152.  
Competunt enim ipsi actiones non tantum contra externos, ve-  
rùm etiam contra dominum ipsum pro re Emphyteutica con-  
servanda & tuenda. l. 1. ff. si ager vectigal. in fin. Hinc exoritur

- Q. quæstio, an Emphyteuta omnes actiones ad tuendum con-  
servandumq; jus suum, quas dominus habet concessa Emphy-  
teusi concessæ videantur? A. Concessio enim uno, omnia illa,  
sine quibus ad id perveniri & commodè haberi nequit concessa  
intelliguntur. l. 2. de Jurisd. Competit enim illi vindicatio  
adversus quemvis possessorem. l. 1. ff. si ager vectigal. Bocer. d. l.  
th. 56. Don. 9. com. 14. Competit & ipsi actio negatoria, in-  
terdictum uti possideris. l. 2. l. 8. §. si servit. vindic. Competit  
enim hoc interdictum iis, qui nec vi, nec clam, nec precario  
rem immobilem possident. Don. 15. com. 32. & illis etiam, qui  
naturaliter tantum possident, aut jus in re habent. arg. l. un. C.  
uti possidet. Conrad. Lag. in method. jur. civil. part. 1. tit. de  
act. ex Emphyt. contract. sol. (mibi) 533. Potest & uti interdi-  
ctò quod vi aut clam. l. 1. §. 1. de nov. oper. nunciat. & arg. l. 12.  
& 16. quod vi aut clam. Operis novi nunciatio. l. 3. §. pen. ff.  
eod. Aquæ pluvie arcendæ pro ratione fundi qualitatis. l. 23. §.  
1. de aqua pluv. arcend. Damni infecti. l. qui bona. 13. §. superfi-  
ciarium. 8. l. 39. §. 2. ff. de dam. infect. Item interdictio de vi &  
vi armata; actio enim ex hoc interdicto, cuicunque qui de-  
jectus est, & qualicunque possessori sive animo, sive corpore, sive  
naturaliter, sive civiliter possideat, datur. l. 1. §. de jectur. 9. ff.  
de vi & vi armat. & c. De his Bocer. d. 56. & seqq. Don. 9. com. 14.  
II. Tùm in potestate utendi fruendi prædio Emphyteutico, &  
quidem in perpetuum, nisi aliter inter dominum & Emphy-  
teutam convenerit; potest enim Emphyteusis aut uni soli, aut  
aliquibus saltem, aut omnibus hæredibus concedi. Bocer. d. l.  
thes. 49. Obrecht. d. disp. 36. th. 112. Mejer. d. l. thes. 39. & seqq.  
III. Quod rem Emphyteuticam & ejus meliorationes alienare  
possit.

possit. l. 3. C. de J. E. IV. Quod ipsi prædium Emphyteuticarium non possit dominus auferre, quamdiu vectigal solvat, *de quo supra th. 6. lit. B.* V. Quod prædio vectigali servitutem imponere, idque locare & oppignorare siue consensu domini possit, aut Dd. communiter sentiunt, *teste Obrecht. d. l. 200. Cujac. com. de feud. lib. 2. t. 9. fol. 682. lit. G. Treutler. d. l. th. ult. ibid. Dn. Bachov. in not. lit. F. Don. 9. comm. 15.* Quia hoc etiam superficario conceditur. l. 1. §. ult. ff. de superfic. l. 16. §. ult. de pign. act. l. 31. de pignor. Et ratio esse potest, quia nulla iniqua conditio hisce modis domino infertur, nec quicquam admittitur, sed nihilominus rem Emphyteuticam salvam habet, & quotannis pensionem constitutam accipit: Prætereaque Emphyteuta jus suum imminuit, non domini; hincque Emphyteusi finitâ vel amissâ, finiuntur & illa: Extinctio enim jure dantis, extinguitur quoque jus accipientis. d. l. 31. in fin. de pignor. l. 9. §. 1. ff. locat. Obrecht. d. l. th. 201. & 202. Mejer. in Colleg. Argent. d. l. thes. 60. & 61. Don. 9. comm. 14 [B] Quod consideratur vel in persona domini vel Emphyteutæ. Respectu Domini, si totius rei interitus vel damnum existit, quod dominus solus ferre tenetur l. 1. C. h. t. Respectu hujus consistit I. in eo, quod liberam alienandi facultatem tum in ipso prædio Emphyteutico, tum in meliorationibus non habeat. l. 3. C. h. t. Don. 9. comm. 14. Mejer. in Colleg. Argent. d. l. th. 63. Et si enim olim liberam alienandi potestatem habuerit. l. 1. si ager vectigal. Don. jam d. l. Imminuta tamen constitutione Justiniani. d. S. adeo. Inst. locat. d. l. 3. C. de J. E. Mejer. in Colleg. Argent. d. l. th. 52. Hinc quæri solet, an etiam consensus domini requiratur in donatione? Aff. arg. l. 3. C. de J. E. Hanon. in disp. 5. ad l. 21. de R. J. Dn. Præf. in Donell. Enucl. lib. 9. com. 12. lit. G. Treutler. d. l. th. 13. lit. E. De qua quæstione pluribus forsitan in discursu II. Quod casus fortuiti aut alia particularia incommoda, quæ rem totam non destruunt, ad ipsum singulatim pertineant. l. 1. in fin. C. h. t. Et quod propter ea à pensionis præstatione non liberetur. Don. d. c. 14. Mejer. d. l. th. 26. & 27. arg. l. 10. ff. de R. J. Sicuti nec è contratio ei pensio augetur, quamvis per alluvionem, vel quo alio modo incrementum rei Emphy-

teuticæ accesserit. *Hæn. d. disp. 21. de R. 7. Mejer. d. l. lb. 27. Dn. Gothofred. ad l. 1. C. de J. E. in not. lit. C.* Hic disquiri solet de thesauro in prædio Emphyteutico invento, utrum Emphyteutæ, an proprietario, id est, soli domino adjudicari debeat? Ad proprietatis dominium pertinere, ita tamen ut inventori, sive Emphyteuta, sive alius quis sit, dimidia pars relinquitur, putamus. *arg. §. 40. Inst. de R. D. 2.* Emphyteuta dominus prædii non est. *d. l. 1. ff. si ager veſtigal.* At dimidia pars thesauri ad soli dominum pertinet. *arg. d. §. 40. Inst. de R. D. 3.* Exemplo fructuarii, qui thesaurum in prædio fructuario inventum, sibi ad vindicare, neque jure dominii, neque ususfructus potest. *l. fructus. 7. §. si fundum. 12. vers. non magis. ff. solut. matrim.* III. Quod certam pensionem domino singulis annis præstare debet, & quod apochas tributorum domino reddere tenetur, *l. 2. C. b. 1. Don. 9. com. 14.* Et de his videri potest *Bocer. d. l. lb. 70.*

## IIIX.

Cognata Emphyteuseos sunt 1. Jus emptionis & venditionis (a) 2. conductionis (b) & alia, quæ hîc prolixitatis vitandæ causâ omisimus.

A

A] *d. §. adeo. Inst. locat.* Disceptatum enim olim fuit, utrum emtio & venditio, an proprius contractus esset? Conveniunt in eo, quod & prædium Emphyteuticum in perpetuum aliquando alienetur. 2. Quod jus transiens ad Emphyteutam speciem quandam dominii habet: Competit enim ei actio in rem &c. *d. l. 1. ff. si ager veſtigal.* Discrepant verò rursus, quod in emtione præcisè merx & precium requiritur, quod precium in numeratâ pecuniâ tantum consistit. *§. 2. Inst. de emtion. & vend.* Secus verò in Emphyteusi, ubi pensio, quæ quotannis in recognitionem domini solvitur, etiam in vino, oleo, frumento exsolvi potest, *de quo supra lb. 2. lit. M. Valasc. q. 1. n. 7. Dn. Prasf. Don. Enucl. lib. 9. com. 14. lit. L.* 2. Differt quod in emtione transferatur verum dominium, hîc non.



non. l. 1. ff. si ager vectigal. & t. t. C. de J. E. [B] 1. Quoniam  
 tam conductio quam Emphyteusis fit vel ad tempus vel in per-  
 petuum. l. 10. C. locat. l. fin. si ager vectigal. Vultej. add. §. adeo  
 num. 8. 2. Dùm uterque canonem quotannis solvere debet.  
 Obrecht. d. disp. 36. th. 225. Differunt verò 1. in eo, conductor  
 solvit canonem loco mercedis; hic verò in recognitionem do-  
 mini. Vultej. add. §. adeo. d. l. Borchold. ibid. n. 8. 2. Emphy-  
 teuta propter sterilitatem, vel alia particularia incommoda  
 non remittitur. l. in fin. C. de J. E. Borchold. d. l. Huic verò re-  
 missio fit. l. 8. C. locat. Plura de Emphyteuscos cognatis vide-  
 ri possunt apud Obrecht. d. l.

## IX.

Contraria juri, sive contractui Emphy-  
 teutico alia sunt, quibus hoc jus vel contra-  
 ctus Emphyteuticus constitui prohibetur;  
 alia, quibus jus jam constitutum tollitur.  
 Constitui autem hoc jus prohibetur vel ra-  
 tione personæ (a) vel rei. (b)

A) Si is, qui dominus non est, alicui rem in Emphyteu-  
 sin concessit: Constat enim ex superioribus nullum alium,  
 quàm dominum rei Emphyteusin constituere posse. arg. d. §.  
 adeo. inst. loc. & t. t. C. de J. E. Don. 9. comm. 13. & supra concl.  
 2. lit. G. (B) Scilicet si res immobiles in Emphyteusin dan-  
 tur in quibus Emphyteusis locum habere nequit. Don. 9. com. 13.  
 & ibid. Dn. Præses in not. lit. E. Valasc. q. 1. n. 4. & q. 12. n. 11.  
 & supra th. 4.

## X.

Amittitur vel finitur porrò Emphyteu-  
 sis vel ex persona constituentis (a) vel ex per-  
 sona accipientis (b) vel totius rei interitu (c)  
 vel ex conventionione (d) vel præscriptione. (e)

- A) Si nimirum is, qui Emphyteusim constituit, ad tempus quoddam dominus fuerit; soluto enim jure cedentis, etiam jus accipientis evanescit. *d. l. lex. veltigali. 31. de pignor. & ibid. Dn. Gorbofr. in not. lit. P. Don. 9. com. 15. Obrecht. d. l. th. 283.* (B) Quod variis contingit modis, quorum aliquot tantum recensuri sumus. I. Si rem dolo aut culpa deteriorem fecerit, jus amittit suum. *Don. 9. com. 15.* Ob deteriorationem n. Emphyteutam expelli posse explorati juris est. *arg. Nov. 120. c. 8. auth. qui rem. C. de Sacros. Eccles.* Hic Dd. inter se dissentiunt, utrum hæc causa deteriorationis locum habeat in Emphyteusi seculari, eò quod poena privationis juris sui nunquam habeat locum, nisi ea certo jure sit expressa, uti videri potest *Obrecht. d. l. th. 287.* Verum in affirmativam sententiam Dd. communiter transeunt. *Obrecht. d. l.* Nec immerito, quia in utraque eadem ratio militat; in utraq; enim Emphyteusites Emphyteutæ utenda non abutenda, melioranda non deterioranda datur. *Obrecht. d. l. th. 287. & 288.* II. Amittitur morte Emphyteutæ tam naturali quam civili jus Emphyteuticum pro se & liberis quasitum, si sine liberis decedit. *Obrecht. d. l. th. 311. & seq.* III. Si prædium Emphyteuticum vel meliorationes sine consensu domini alienaverit. *l. ult. C. de J. E. Wesenb. in 2. d. l. Beter. d. disp. 14. th. 90. Don. d. c. 15.* IV. Si per triennium pensionem vel apochas tributorum Domino non præstiterit, jure cadit suo. *l. 2. C. h. t. Don. d. c. 15.* Nec expedare debet, donec interpelletur à domino, cum dies pro homine interpellat. *l. magnam. 12. C. de contribend. & committend. stip. Don. d. l.* Nec triennio elapso mora celeri satisfactione purgatur. *d. l. 12. & l. 2. C. h. t. Dn. Arum. de mora. c. ult. n. 8.* Quia qui non terretur damno impendente ex poenâ, adveniente die apposita, censetur contumax adversus legis minas. *Dn. Arum. d. l.* Quid? Num Emphyteuta cessans in aliqua parte canonis nihilominus Emphyteusi privetur? *Affirmant Dd. communiter.*
- Q. An si ex pluribus heredibus unus pensionem non solvit, ceteri quoque priventur? *Aff. Treutl. d. disp. 29. th. ult.*

Postremò non incongruè movetur questio, utrum domini Emphyteutam ob non solum canonem propria auctoritate

rate possit expellere? *N. arg. l. 31. ff. de pignorib. Don. 9. comm.*  
*15. ibid. Dn. Praes in not. lit. C. Wurmser. lib. 1. tit. 34. obs. 1.*  
*Gail. 2. observ. 51. n. 7. [C] l. 1. in fin. C. b. t. d. S. adeo. in fin.*  
*Bocer. d. dispur. 14. th. 82. Mutata enim forma, res ipsa muta-*  
*tur, & perit illa intelligitur. l. Julianus. 9. §. 3. in fin. ad exhibend.*  
*l. repeti. 5. §. fin. quib. mod. ususfr. amittat. Obrecht. d. l. 1b. 407.*  
 [D] Si nimirum ad certum tempus vel ad certam generatio-  
 nem Emphyteusis concessa est: Tempore enim finito, finitaq;  
 generatione jus quoque finitur. *Don. 9. com. 15. Obrecht. d. disp.*  
*36. th. 405. Arjer. in Colleg. Argent. d. l. 1b. 95. Bocer. d. l.*  
*1b. 74. & 79. Wesenb. in 1. d. l. [E] Dn*  
 qua supra *th. 5. lit. A.*


und. Diss. Leg. 12. 14.  
 C. 1. 14.

C

D

E

## Soli Deo gloria.



**L**EGUMLATRICIS suboles Astraea Themistior,  
 Templum in sublimi vertice montis habet.  
 Videris haud unos hoc affectare cacumens;  
 Sed sapè Affectu, non Ratione duce.  
 Tu BERLINE sapis melius: teg, ordine iusto  
 Ducis ad Eunomia, per juga celsa, domum.  
 Perge ita. Sic poteris Themidas possessor haberi:  
 Et sic DOCTOREM te fore reris? eris.

Honori, Praestantiß. Dn. RESPONDENTIS,  
 sui Adfinis & Consalini, hoc  
 quicquid est consecrare l. inque  
 voluit

Johan. Himmelius Pommer  
 Tb. D. & P. P.


Mulco-



**M**ultorum, labor est, Doctorum, noscere sensus,  
Sed qui convèniunt Legibus, arte venit.  
Id quoque tu sentis, & te concedere, quæ nunc  
Proponis Juris lemmata ritè probant.  
Tramite perge tuo cœpto; sic itur ad astra,  
Quodque tibi pandit Phœbus, honoris iter.

*Præstantiss. Dn. Respondenti, amico & con-  
tubernali suo dilectissimo, fausti  
omnis ergo accinebat*

Josua Majus Romhildt-  
Francus.



F I N I S.

